

俗之淳自今以始孝悌之心油然而生伏願掛額之後上下和全幼有倫長有序里閭康寧老者安少者懷詩曰天理三綱及五常教民親睦建斯堂爾民報事能如此異日門旌孝第坊

上燕喜堂勅額文

伏以閔宮赫赫有神明左右森嚴綠畫新保彼東方壽而富嘗候燕喜作宮名恭惟靈濟真人清廟肅維神顯相勅額金書八字後宮粉黛三千有翼有嚴隨禱隨應諸福畢至少陳祀事之勤吉夢追隨果獲男兒之額門閭壯麗榜額輝煌伏願掛額之後宜爾子孫載命螽斯之德永錫祚胤安歌既醉之詩詩曰鸞峰踈傑泄英靈青布成羅識可憑孔氏此時親抱送崇高神降果主申

謝兩舟悃

鄉民黃垣等切念夏逢不雨宜穰旱魁以潛消靈降自天祇伏真仙而控翹三薰三沐載謝載祈洵取五月十八日敬發誠心虔邀

道衆拜請

洪恩靈濟真君請蒼龍漱灑擊迎聖水午時至官安奉送蒙感應西南騰雲未刻下雨是夜開啓道場依科修奉特設龍王淨醮百拜朝天懺

文當夜甘澍祁和至二十日大霽霧泥田疇滿足特伸答謝延奉諸真仍設龍王田祖諸品淨醮闕祝南辰北斗列曜星燈寅修醮禮仰

真君首奉菲儀大伸圓滿設醮謝

恩伏祈景貺惟冀曰暘曰雨協二儀大順之期如茨如梁降百穀用成之瑞重

九重之至德流入八表之有秋懼聲沸擊

壤之歌千惟耦

聖壽享齊天之筭萬萬斯年綏和動植之滋生永樂雍熙之化恆下情無任不勝激切之至敬意

贊靈集卷之三

贊靈集卷之四

詩

上真君 白湖趙迪

方山之陽有古神祠馬世傳以為五代徐知誥弟兄號金闕玉闕二真人

也真人乃神明之胄歿幾五百載矣其神之在天猶不棄於吾民也民之兩賜疾疫咸禱輒應迪不敏欲拜祠下有構焉遂賦步虛辭以獻之

聖人神明胄神恻太羅表絳節凌紫雲翠蓋連碧條靈景無晦明清虛何皎皎瑞氣玉洞浮靈容絳林表茲晨儼欲臨鸞旌何縹緲我區中人時為釋紛擾

其二

琳宮何若堯高挹翠微頂英風百代靈神光四時耿儀容更尊嚴廟貌肅路寢碧殿爐烟寒白日棟雲冷甍爾塵俗軀何由達靈景

其三

羽蓋何翩翩靈氛降丹闕縹緲鸞鳳音涼秋散林樾玉津沆沆雲神霄飄絳節羽衣星外

沉仙樂空中歌太虛一家家倏爾採霞沒惟  
聽步虛聲空余碧桃月

其四

隸華王連枝帝勅司我土修爾陰風來颯爽  
降靈兩疾疫賴神休凶荒託靈禦機緘杳冥

其八

冥翊運昭昭著高寒太羅天陰瑩清虛府王  
珮清霞裳羽蓋彤雲路冷然馭長風將朝紫  
霞去

謁靈濟宮主音

左叅政永嘉楊

景衡

上清張真人奉

命建延禧之醮于 靈濟宮賦此以紀勝集

川嶽揚靈泰運開上清仙客降香來天壇醮  
啓雲旗下羽珮朝趨月殿回勝會已欣登寶  
地弱源未信隔蓬萊臨風願借瑤臺鶴飛控  
繁禧遍九垓

前人

三山飛翠接鰲峰紫府高寒遍太空丹鼎光  
騰千嶂月瑤臺香度百花風神功烜赫昭靈  
貺帝德優崇錫 封宮觀何年兼賜真時過  
白雲中

右叅政姑蘇彭 春

花簇香輿控紫鸞洞簫吹下綵雲端九天星  
斗浮山殿五夜風雷繞石壇仙菓壓枝丹荔  
熟清陰滿院碧梧寒神功赫赫多靈既永贊  
皇圖萬世安

其八

右叅政

李 燁

停驂偷暇謁神宮石理潢溪霽冥中雙鳥隔  
窓帝畫白群芳聯砌吐春紅剖符當代膺王  
爵捍患他時紀武功靈闈一方垂惠澤大昭  
世享固無窮

命事鳳陽周 常

一年兩度到仙宮種杏心誠在報功妙藥氣  
看痊痼疾靈符常見振疲瘡花啣洞口尋真  
鹿雨暗峰腰聽法龍勒石頌衣綿血食加封  
褒錫

聖恩隆

左叅政紹興錢 述

輅傳征騎陟鰲峰再拜頻思伯仲功昔日干  
戈平禍亂千年廟食享秋冬詞童應禱卓奇  
驗靈濟癘瘡錫大封護國庇民神力大兩賜

時若澤時中

兵科給事中三山曾玘

曾統天兵渡峽江猊貅百萬望風降金鰲血  
食真無忝玉闕丹書却有雙劍珮森嚴雲緞  
樓臺轟碧石崆峒英名不歇留今古況復雄

文冠海邦

戶部員外繡江楊 寧遠

山青水秀應玄機天賜賢良鎮渚磯昏曉能  
明災與福毫厘判斷是和非祠堂古在三山  
外靈貺分傳四海知王裔飄然入仙籍流芳  
端的世間稀

刑科給事中山陰朱 純

恭持玉節通歷南閩因過鰲峰

洪恩靈濟官載瞻載拜禮竣惟時廟官方

率三五童子羽衣鶴氅乃邀至菡軒

其八

飲茶清話間因索詩以識敬謁之誠

遂辭率成數體一律以彰

聖朝神靈之萬一云耳後者郅正幸甚

恭持使節到南閩得駐征車謁二真翼翼廟  
庭千仞起煌煌袍錦四時新瓊碑紀錄來天

上玉勅騰光照海濱祀典聿隆當 盛世擬  
同社稷萬年春

戶部主事沛邑孟 式

宣德壬子仲冬欽承

朝命蒞事陶藩道經金鰲峰願瞻

靈濟宮祠赫然一新良由二真克忠克孝功

施社稷澤被生民又能幹運化機大

闡靈貺翊衛

聖躬是宜加以徽號享祀無窮以答神庥此

皆

聖天子仁德之至眷愛之隆與天地相為悠

又豈偶然哉迺拜手稽首而賦詩曰

曾於青史見英雄兄弟同心樹大功已向生

前借盡孝要知歿後復輸忠清宵好夢孚

昭代赤石奇方愈

聖躬廟貌尊嚴崇祀事生靈千古仰高風

監察御史吉水楊 政

伯仲聯翩葆太真生膺王爵死為神遠馳玄

翰傳丹訣大著殊勳動紫宸仙籍崇階褒錫

重鰲峰巖祀禮儀新香雲飛出榕陰外咀豆

年年秋繼春

奉使扶桑等國中貴官崇山

承

命統兵懷來荒服上欽

一人下盡迺職留止三山久荷靈異茲者敬

捧華簪贊揚聖號以為淮海往迺之祈冀神

鑒納尤肅禮儀止於齋所勝境有感

於懷迷踪所搜以揚神德後之觀者

幸見即於斯文

南閩之地多奇山洞庭太華相迺還真龍隱

處毓聖跡浮光積翠盈林鬱真仙幽顯不可

測默運天機播神德上以靈丹衛

聖躬下施洪恩庇民厄曾聞兄弟同孝恭竭

忠五代邁英雄生為名臣死朝食揚旌顯跡

當無窮威靈廟貌世莫比坐擁江南八千里

五雲散盡露金鰲瀉下龍泉一泓水予時領

命懷外方竭誠至此永靈童但見幽禽對語

首枕滑風吹澗谷多奇香君不見武陵擬口

清絕慶江山一見消塵慮何似今朝咫尺間

分明得入神仙路華簪一堅突名峰上迎車

馬來長空有時環珮九霄響一雙青鳥鳴天  
風靈藏斯境清不再有願罄哀誠奠盃酒更  
莫灺烟永不磨頌等天長與地久

夜宿靈濟宮

白湖郭 敬夫

共到真仙境清齋卧竹房夢回孤島月寒入

一襟霜夜氣神驚起秋聲瑞鶴翔披衣不重

寐香露識天香

寶殿十奇峯二十首

金鰲峯

白湖郭 庚

彩雲氣桂宇浮丹光芝房隱仙秘時瞻鶴馭

回天香霽空翠

隴西李 叔義

海上浮來一點金擁成丹窰幽雲林神棲古

斷鐘靈地能使真風播古今

白鹿峯

白鹿名山翠若堆鹿隨雲去不知回抵今亂

石溪頭路猶想行蹤寄綠苔

隴西李 叔義

仙鹿御花此地過因開禪刹絕若阿青山不

改名猶在長入林僧笑詠我

文筆峯 白湖郭 廩

茲山凌空蒼削立三神峙飛翠瀉龍漱猶涵  
墨池水雲迎筆陣回星繞雲光起神機應發  
揮長以獻明主

十一

隴西李 叔義

動勢孤高巖翠華雪中渾訝寫烟霞謫仙夢  
斷春風後不識峰頭幾度花

蓮花峯 白湖郭 廩

南望蓮峰萬仞秋清沉玉井瑞光浮懸知夜

夜飄香處散入瓊仙十二樓

隴西郭 叔義

玉井移根上翠巖草草孤植出雲端真仙欲  
採瓊芳日渾作瑤池醉後看

飛蓮峯 白湖郭 廩

蓬壺世外峰秀拔皆瑤草飛出三神來際此  
十奇好天開白玉壺夜照丹砂火仙人如可  
期披雲事幽香

隴西李 叔義

瀛海飛來第幾峰頭晴削玉芙蓉朝元仙

客曉清賞長上丹梯訪鶴蹤

貪狼峯 白湖郭 廩

斗際清輝不可攀何年登翠時人間金鰲一  
上遙相切猶似蓬壺卷箇山

隴西李 叔義

四面攢峰列畫屏危標直上倚青真有時靜

夜紅光煥一道煌煌貫斗星

方石峯 白湖郭 廩

方岩並崆峒神秀端可挹望若玄豹躡影側  
澄江碧上有茹芝翁長歌坐苔石子將拂塵

夜日與白雲遊

隴西李 叔義

絕頂凌空勢若摧鶴飛仙路淨無自天風吹  
落懸崖瀑散作岩頭半夜雷

紫雲峯 白湖郭 廩

翠壁丹崖接上台春深縹緲紫雲堆玉蕭誰  
弄香前月應候鸞鶴駕駕回

隴西李 叔義

紫氣濛濛掃不開危其奕出自天裁瓊環響  
落蒼崖前月知是神仙跨鶴來

古城峯 白湖郭 廩

古城今幾家山空少陳跡昔逐絕香塵煙崖  
欲寒色風冷松桂潭月上藤蘿石冥聽鳥夜  
啼令人感嚮昔

隴西李 叔義

翠壁丹崖路不平行人猶道古城名風泉日

送清冷調不帶梅花鐵笛聲

太平峯 白湖郭 廩

玉燭調光降九霄千峰萬壑度雲謁太平一  
曲誰同唱好上金鰲百尺橋

隴西李 叔義

太平景象浩無窮半落名山勝槩中喜得神  
棲安此地陰崖草木被仁風

真仙八詠圖 早肯

鰲嶠仙宮 白湖郭 廩

靈昭昭仙界天香綵綺袍花迎雙綵鳳山擁  
一金鰲桂闕凌雲起芝壇掛月高神機涵宇

宙筆翰送波濤玉洞劉晨藥瑤臺阿母桃請

看穹窿上萬古 勅書褒

釣臺李 溥

1000

岩峩金鰲頂仰視屹千仞自從兩儀分不與  
群峰並聖朝崇真宮秉葦輝相映神機達九  
重層藻垂雙慶雲林隱天香風泉雜仙磬那  
能挹清芬洗却塵凡性

龍西李 叔義

琳館中峰起金鰲擁地迴靈光天上合 褒  
錫日遑來丹鳳啣瑤草青重進羽盃德悠塵  
境外佳氣勝蓬萊

青門邵 擘

雙闕巍巍遠世氛空香浮翠日氤氳歸月  
迴金鰲頂樂動雲隨白鶴群筆翰九天新龍  
沐水冠五代舊殊敷遙瞻花萼相輝處千載  
靈光產異芬

長樂陳 棠

琳宮標勝景蒼脊石堅牢世治神靈闡山環  
氣象高夜光騰貝闕春色醉仙桃曠古才英  
邁榮封沐寵寢

龍湫飛瀑 白湖郭 廩

積雨過仙頂飛湍帶古湫夜聞雙澗落曉入  
一溪流影倒銀河夕聲懸碧漢秋高樓驚夢

鶴幽性起潛虬遠樵踪鍾度還疑素練浮鰲  
峰清聽處月在步虛樓

龍西李 叔義

靈湫經宿兩飛瀑瀉明河露色澄水鑑寒聲  
出薜蘿亂松驚鶴夢繞岸送漁歌濯足溪頭

月真仙幾度過

釣臺李 溥

六合看化始鑿開由天工蜿蜒蟄靈氣湫潭  
秘瀉濛銀河天際來倒挂千尺虹上與星漢  
接下與江流通涼影美新月寒聲逗疎風真  
仙日醺賞清詠誰能同

新霽靈湫逸興多飛流百尺瀉天河凌雲宛  
看抱瓊練帶月還疑散玉珂乍起潛虬潭上  
聽還驚聯鴈日遑過朝來直上金鰲望散作  
蓬臺碧海波

青門邵 擘

寒流千尺下雲梯宛若瑤空吐白霓奇語  
蜿蜒 聖澤普為人世洗凡泥

長樂陳 棠

竹巖霽雪 白湖郭 廩

萬竿凌絕壁六出霽飛花色借且益螢光分  
蔭斜斜翔宜瑞鶴蕭爽殺神鴉一軼紅塵  
杳千尋翠羽遞郢人歌白雪仙電冷丹砂却  
傍高真境清芬仰棲華

釣臺李 溥

隱隱樓真岩積雪悶幽邃修竹凍不開千林  
失蒼翠晴光聚素華臘朔驚寒吹六出喜同  
雲色兆豐年瑞仙居十二樓瓊瑤死相對一  
曲步虛詞鏘鏘玉聲碎

龍西李 叔義

岩前雲欲歛竹外雪初乾遠暎遙臺曉低籠  
翠袖寒虛明雲母帳錯落水晶盤深愧塵緣  
薄仙歌和獨難

青門邵 擘

峰巖晴翠拂雲端六出飛花尚未乾白鶴樓  
時暉不辨青鸞隱處却同看梁園賦就攀何  
及郢曲才高和獨難更想雙真歸珮曉天風  
遠樓玉聲寒

長樂陳 棠

竹倚靈岩勝寒威帶雪晴鶴駕無限繞泉石

有餘清夢落三湘  
遠神遊萬玉傾  
隱人懷拆  
筭路滑不堪行

仙嶼靈芝

白湖郭 廩

一峰鍾瑞藹百卉  
讓仙靈葉酒金華  
露香凝紫府星漢池  
同暉暉商谷自青  
青豈並三花

秀仍兼九晚  
馨浮光凌月殿  
積翠敞雲屏  
肯許山人採期延  
草木齡

釣臺李 溥

伊昔肇真宮  
瑞草產其處  
九並絢熙陽  
三秀結華露  
元氣孕至和  
靈根世稀遇  
暉暉呈嘉祥  
煌煌映仙嶼  
不讓漢池生  
寧瘳嵩山茹  
此跡幾何年  
至今播芳香

隴西李 叔義

仙頂超群鳴  
靈芝異敷芳  
瑞移商谷秀  
清奪漢地香  
雲葉春凝紫  
金英晚孕黃  
肯分塵世采  
從此薄膏梁

次

采從此薄膏梁

青門邵 擘

蓬嶋遙遙碧海涯  
世人傳此產靈芝  
浮光夜落丹砂井  
挹翠朝涵太乙池  
鰲頂經殘秋露  
馥蘭岩歌罷夕陽  
遲何由拾得為  
真秘更上

天壇一問師

長樂陳 崇

地產靈芝紫葉繁  
仙人採秀得深根  
愧予空老瀛洲下  
安得名聯四皓尊

青浦歸潮

白湖郭 廩

遙浦青汀樹歸潮  
白海門多情環嶋嶼  
不舍見晨昏  
冷蕙丹霞影  
寒兼璧月魂  
千家流故澤  
一道自仙源  
望極偏縈練  
吟餘半落展  
塵纒如可濯  
鰲頂謁 洪恩

釣臺李 溥

青浦湖初落暮  
雨江上來波光  
淨如洗萬頃  
無纖埃石根蒲  
葦密沙磧鳥驚  
舟橫兩岸隘  
路轉群峰開  
蹊蹊非禹跡  
朝宗自東回  
滄浪起漁唱  
月夜繞仙臺

隴西李 叔義

青浦行吟處  
瀾漫歸早潮  
舟橫芳草偃  
沙接大江遙  
迴岸虛瀾鳴  
危虹掛石橋  
仙槎從此達  
輿度泛層霄

青門邵 擘

遠浦蒼茫日未昏  
歸潮一帶似知源  
晴看白

鳥餘沙跡暝  
洗青鳥露石痕  
乍入澄江還有  
信欲分滄海  
縹緲難言觀  
瀾更上鰲峰頂  
何處朝宗是禹門

長樂陳 崇

客行青浦近雲引  
去潮賒惟不懸  
坪岸關臨  
立淺沙網收  
群釣罷帆落  
一舟斜矜看  
來滿應乘博望槎

南塘過客

白湖郭 廩

迢遞南塘路  
營迴太乙官  
亂山看不盡  
過客思無窮  
鄉國浮雲外  
關河夕照中  
貂裘逢季子  
馬首望梁公  
寄跡霜前鴈  
驚心海上蓬  
身衢從此達  
誰問泣西東

釣臺李 溥

閩州富山海  
賈客爭奔馳  
營營貪利涉  
來往南塘陸  
蓬梗差舊跡  
海水權新知  
落日望煙火  
寒風吹髮絲  
鄉園寸心遠  
孤雲傷別離  
壺中日月長  
鷹唳塵世疑

隴西李 叔義

閩南通驛傳  
利涉苑奔馳  
羸馬驚寒度  
輕輶帶月移  
鄉心萍梗跡  
客淚海天悲  
想得仙家

樂空浮世痴

青門邵 癡

放思南塘野水深依煙柳碧陰陰故園親  
友知誰健別路鶯花倦獨吟鴈斷心懸青浦  
月天空日送白雲零停驂好謁真仙境一問  
微音抵萬金

長樂陳 崇

車騎紛紜去復還南塘有路入青山幽芳可  
採魚堪釣何事勞勞不暫閑

木嶺樵歌 白湖郭 虞

木嶺橫山嶠天風拂草衣採雲行誦慶竟夕  
浩歌歸野寺初殘磬人家半掩扉數聲秋漠  
漠一曲月微微柯爛何人識山空聽者稀迴  
傳蒼頂上老鶴餐清機

釣臺李 溥

西岡掩寒色木嶺浮夕陰幾處樵人歸長歌  
發箇音款乃振林木千岩落葉深初疑黃鳥  
弄又訝清猿吟碧澗雜幽聽白雲諸素心縹  
緲和仙樂南下明月岑

隴西李 叔義

木嶺開清曉樵歌度碧林依微山靄暝楓街  
澗雲深恍訝溪猿嘯還驚木客吟聽來琳館  
下遠雜沓塵聲

青門邵 癡

蒼老木嶺抗浮塵襟子攀登不厭頻耽讀每  
驚山色晚浩歌長音月華新數聲驚起巢松  
鶴一曲催歸採藥人日暮暮峰聽漸近恍疑  
仙珮下天津

長樂陳 崇

樵歌聲款乃木嶺思幽沉送日隨流水盤雲  
出遠林巢棲驚鶴夢洞隱駭龍吟余息滄浪  
調聞之一振襟

鍾山鴈塔 白湖郭 虞

孤峰浮紫翠七級競繁華迥卓龍天近遙連  
鳥道斜留題皆國士問劫等河沙影倒維摩  
室香分太乙家夜燈然綺樹曉座落曇花我  
愛觀先達芳名耀碧紗

釣臺李 溥

鍾山衛真境屹立清江濱浮僧曾竊七級  
凌空雲高標出沙界華構超塵氛題名聯鳳

侶飛佩來鶴群久懷紫霞想永願揚靈芥未  
能接丹梯景仰徒朝曛

隴西李 叔義

鍾山環寶地鴈塔倚僧巖影秋雲外鈴音  
夕照邊香名題俊士雅梵集龍天幾欲投清  
賞何年謝俗緣

青門邵 癡

名山寶級隔塵紛迥對真官山白雲百和爐  
香風共遠九天鐘磬夜初分花窠梵語空中  
靜桂籍名登海內聞擬欲懷人一清眺素聲  
又聽鴈離群

長樂陳 崇

七級浮圖鮮色新鍾山擎翠勢嶙峋題名自  
古多才彥能使前人覺後人